

এক মহত্তম ঈশ্বরের বিষয়ে আনন্দপূর্ণ এবং ভয়ঙ্কর সত্যসমূহ জানতে মোশি তাঁর লোকদের সাহায্য করেছিলেন

যারা শিশুদের শিক্ষা দেন তাদের অধ্যয়ন D4b অবশ্যই পাঠ করা উচিত।

আপনি যদি এখন শিক্ষানবীশ পালকদের জন্য পৌল-তীমথি অধ্যয়ন নির্দেশাবলী উন্মুদ্র না পাঠ করে থাকেন, তবে এখনই তা পাঠ করুন।

প্রার্থনা : “সর্বশক্তিমান এবং অনুগ্রহকারী ঈশ্বর, তুমি মোশির মাধ্যমে কিভাবে নিজেকে লোকদের কাছে প্রকাশ করেছিলে তা বলার দ্বারা তোমার সরূপের বিষয় লোকদের শিক্ষা দিতে আমাকে সাহায্য কর।”

যোহন ১ঃ১৭ “কারণ ব্যবস্থা মোশি দ্বারা দত্ত হইয়াছিল, অনুগ্রহ ও সত্য যীশুখ্রীষ্ট দ্বারা উপস্থিত হইয়াছে।”

বর্তমান প্রয়োজন ও আপনার সুপ্রাপ্য সময়ের সঙ্গে মানানসই বিষয়গুলো বাছুন।

১. ঈশ্বর কিভাবে তাঁর ইস্রায়েলের লোকদের কাছে নিজেকে প্রকাশ করেছিলেন তা শিখানোর জন্য আপনার মনকে প্রস্তুত করুন।

- প্রায় ৪০০০ বছর আগে ঈশ্বর ইস্রায়েলের লোকদের তাঁর পবিত্র লোক হওয়ার জন্য বিশ্বস্ত আব্রাহামের বংশধরদের মনোনীত করেছিলেন।।
- তার প্রায় ৫০০ বছর পর, ঈশ্বর ইস্রায়েলের লোকদের অলৌকিকভাবে মিশরের দাসত্ব থেকে উদ্ধার করেছিলেন এবং মোশির মাধ্যমে তিনি পুরাতন নিয়মের চুক্তি প্রতিষ্ঠিত করেছিলেন। তারা একমাত্র পবিত্র, সর্বশক্তিমান ঈশ্বরকে ভয় করতে ও বাধ্য হতে শিখেছিলেন। তাদের অভিজ্ঞতাগুলো আজকের দিনেও আমাদের কাছে উদাহরণ সরূপ (১ করি ১০ঃ ৬)
- প্রায় ২০০০ বছর আগে, যীশু যখন মৃত্যুবরণ করেছিলেন এবং পুনরায় জীবনে প্রত্যাবর্তন করেছিলেন, তখন ঈশ্বর লোকদের জন্য অনুগ্রহের নতুন নিয়মের দ্বারা পুরাতন নিয়মের ব্যবস্থাকে প্রতিস্থাপিত করেছিলেন।
- যাত্রা পুস্তক ১ অধ্যায়ে খুঁজে দেখুন, মিশরের রাজা কেন ইস্রায়েলীয়দের বিষয়ে ভীত হয়েছিলেন এবং তাদের জনসংখ্যা সীমিতকরণের পরিকল্পনা করেছিলেন। (পরবর্তীকালে, রাজা-হেরোদ একইভাবে নবজাত রাজা যীশুকে বধ করার জন্য বৈৎলেহমের সমস্ত বালক শিশুদের হত্যা করেছিলেন।)
- যাত্রা ২ অধ্যায়ে খুঁজে দেখুন, ঈশ্বর কিভাবে বালক মোশিকে মৃত্যুর হাত থেকে রক্ষা করেছিলেন এবং মোশি যখন নিজস্ব মানবিক শক্তিতে তাঁর লোককে রক্ষা করার চেষ্টা করেছিলেন, তখন কি ঘটেছিল।
- যাত্রা ৩ অধ্যায়ে খুঁজে দেখুন, অনন্তকালীন ঈশ্বর মোশিকে কি করতে পাঠিয়েছিলেন এবং ঈশ্বরের পবিত্র নাম কি।



আমরা খ্রীষ্টানরা অদৃষ্টবাদ কেন প্রত্যাখ্যান করি তা ব্যাখ্যা করার জন্য প্রস্তুত হন। এর নিষ্ঠুর ভৌতিক ধারণা হল যে দেবদেবী অথবা নক্ষত্ররা আমাদের ভবিষ্যৎ ভাগ্য আগে থেকেই জেনে যায় এবং আমরা আমাদের দরিদ্র, যত্ননা এবং ব্যর্থতার ভাগ্য পরিবর্তন করতে পারি না। অনন্তকালীন ‘আমিই’ কালের বাইরে থাকেন; তিনিই সময়ের স্রষ্টা এবং সময় তাঁর ওপর শাসন করতে পারে না। যীশু বলেছিলেন, “সময় আসিতেছে” (মানুষের দৃষ্টিভঙ্গী) “এবং এখনই সেই সময়” (ঈশ্বরের দৃষ্টিভঙ্গী) যখন তিনি মৃতদের জীবনে উত্থিত করবেন অথবা বিচার করবেন (যোহন ৫ঃ২৮-২৯)। তিনি বলেছিলেন, “আব্রাহামের পূর্বাবিধ আমি আছি” (যোহন ৮ঃ৫৮)। স্থান ও কালের মধ্যে তিনি সর্বত্র বিরাজমান। ভবিষ্যতে আমরা কি করব তা ঈশ্বর দেখতে পান, জ্ঞান কখনও আমাদের জীবন পরিবর্তনকারী সিদ্ধান্ত গ্রহণের জন্য আমাদের স্বাধীনতাকে বাতিল করেন না। যীশু বলেছিলেন, “সত্য তোমাদিগকে স্বাধীন করিবে” (যোহন ৮ঃ৩২)। আপনার লোকদের নিষ্ঠুর অদৃষ্টবাদের শৃঙ্খল থেকে মুক্ত করুন। ঈশ্বর আমাদের জানেন, প্রেম করেন এবং আমাদের কথা শ্রবণ করেন। তিনি এমনভাবে মধ্যস্থতা করেন যে তা আমাদের জন্য মঙ্গলজনক হয় এবং তাঁর জন্য গৌরব আনেন। আদি এক অধ্যায় প্রকাশ করে যে আমাদের পূর্বপুরুষগণ পুরুষ ছিলেন, তারা কোন দেবদেবী বা আত্মা ছিলেন না এবং ঈশ্বর সময় ও কালের চিহ্ন সরূপ নক্ষত্ররাজি নির্মান করেছিলেন, আমাদের ভবিষ্যৎ গন্তব্য পথ নিয়ন্ত্রণ করার জন্য নয়।

আমরা কেন ভৌতিক শক্তির থেকে মুক্ত তা ব্যাখ্যা করার জন্য প্রস্তুত হন। মিশরের রাজা যখন ঈশ্বরের লোকদের দাসত্ব থেকে মুক্ত হতে দিচ্ছিলেন না তখন ঈশ্বর মোশিকে আঘাত প্রেরণ করতে সক্ষম হয়েছিলেন যা মিশরীয় মিথ্যা দেবদেবীর

দক্তির ওপর ঈশ্বরের পরাক্রম প্রকাশ করেছিল। মিশরীয়গণ বিশ্বাস করতেন যে তাদের মহান নীল নদীর অতি প্রাকৃত শক্তি আছে। সেই জন্য ঈশ্বর জলকে রক্তে পরিণত করেছিলেন। তারা সূর্যের আরাধনা করতেন, সেইজন্য ঈশ্বর ইহা অন্ধকারময় করেছিলেন। তারা পশুদের আরাধনা করতেন, সূতরাং ঈশ্বর যন্ত্রনা আনার জন্য গরু, পিশু, দংশক এবং ভেক ব্যবহার করেছিলেন। এক সর্বশক্তিমান ঈশ্বর যীশুকে বলুন, তিনি যেন আপনার লোকদের মিথ্যা আত্মাদের ভয় থেকে মুক্ত করেন!

মোশির পাঁচটি বই কিভাবে বাইবেলের ভিত্তি তা ব্যাখ্যা করার জন্য প্রস্তুত হনঃ

- আদি পুস্তক প্রকাশ করে, কিভাবে ঈশ্বর শূণ্য থেকে সবকিছু সৃষ্টি করেছিলেন, শয়তান কিভাবে মানুষকে অবাধ্য হবার জন্য প্রলোভিত করেছিল, জগৎকে কিভাবে অপরাধে পূর্ণ করেছিল, যন্ত্রনা, শাস্তি এবং মৃত্যু এনেছিল।
- যাত্রা পুস্তক প্রকাশ করে ঈশ্বর সর্বশক্তিমান, সর্ব পবিত্র, যিনি সমস্ত আত্মার উর্দে মহত্তম। ঈশ্বর দশ আজ্ঞার মাধ্যমে তাঁর লোকদের ... ব্যবস্থা দিয়েছিলেন।
- লেবীয় পুস্তক প্রকাশ করে ঈশ্বর কিভাবে নিষ্কলঙ্ক পশুবলির রক্তের মাধ্যমে লোকদের পাপের ক্ষমা করেন।
- গণনাপুস্তকে বর্ণনা করা হয়েছে কিভাবে লোকেরা ঈশ্বরের ব্যবস্থা পালন করতে ব্যর্থ হয়েছে। এই কারণে ঈশ্বর এই প্রজন্মকে প্রতিজ্ঞাত দেশে প্রবেশ করতে দেন নি।
- ২ বিবরণে প্রকাশ করা হয়েছে যে ঈশ্বর পাপীদের শাস্তি দেন, কিন্তু বাধ্যদের আশীর্বাদ করেন।
- ঐ প্রাচীন ব্যবস্থাগুলো এবং ঘটনাগুলো নতুন নিয়মের সত্যগুলো বুঝতে সক্ষম করেঃ
- যীশুর মৃত্যু এবং পুণরুত্থানের মাধ্যমে অনুতপ্ত বিশ্বাসীরা ক্ষমা এবং অনন্ত জীবন লাভ করেন।
- আমাদের মধ্যে বাস করার জন্য এবং ঈশ্বরের বাধ্য হতে আমাদের শক্তি দানের জন্য যীশু পবিত্র আত্মা প্রেরণের জন্য তাঁর পিতার কাছে যাত্রা করেছিলেন।
- সমস্ত বিশ্বাসীদের খ্রীষ্টের দেহে পরস্পরের পরিচর্যা করার জন্য ঈশ্বরের কাছ থেকে বিভিন্ন ক্ষমতায়ুক্ত দান লাভ করেন।
- যীশু আবার আসবেন মৃতদের উত্থিত করার জন্য, অনুতপ্তহীনদের শাস্তি দানের জন্য, বিশ্বাসীদের দৈহিক রূপান্তরের জন্য এবং আমাদের প্রতাপের মধ্যে নিয়ে যাবার জন্য, যেখান থেকে আমরা তাঁকে সামনে থেকে দেখব, তাঁর গৌরব করব এবং চিরকাল তাঁকে উপভোগ করব।

- ১) আমার সাক্ষাতে তোমার অন্য দেবতা না থাকুক।
- ২) তুমি আপনার নিমিত্তে ক্ষোদিত প্রতিমা নির্মান করিও না।
- ৩) তোমার ঈশ্বর সদাপ্রভুর নাম অনর্থক লইও না।
- ৪) বিশ্রাম দিনকে পবিত্র বলিয়া মান্য করিও।
- ৫) তোমার পিতামাতাকে সমাদর করিও।

- ৬) নরহত্যা করিও না।
- ৭) ব্যভিচার করিও না।
- ৮) চুরি করিও না।
- ৯) প্রতিবাসীদের বিরুদ্ধে মিথ্যা সাক্ষ্য দিও না।
- ১০) প্রতিবাসীর কোন বস্তুতে লোভকরিওঁ।

২. সপ্তাহব্যাপী করণীয় কার্যাবলীর বিষয় সহকর্মীদের সঙ্গে পরিকল্পনা করুন।

ওপরের উল্লেখিত মৌলিক মতবাদগুলো যে বিশ্বাসীরা ভুল বুঝেছেন তাদের কাছে যান, পরামর্শ দিন এবং তাদের জন্য প্রার্থনা করুন।

আপনার দলের নেতাদের যাদের আপনি প্রশিক্ষণ দিচ্ছেন তাদের যদি এই মৌলিক নির্দেশনাগুলোর প্রয়োজন হয়, তবে তাদের প্রস্তুত করতে সাহায্য করুন।

৩. পরবর্তী আরাধানার সময়ের জন্য সহকর্মীদের সঙ্গে পরিকল্পনা করুন।

প্রাচীন ইস্রায়েলীয়দের সামাজিক বন্ধন থেকে মুক্ত করার জন্য ঈশ্বর কিভাবে মোশিকে প্রস্তুত করেছিলেন তা ব্যাখ্যা করুন।

- হেরোদ যোভাবে বৈৎলেহমে ছোট বালকদের হত্যা করেছিল, ঠিক একই ভাবে মিশরের রাজা কি করেছিল সেই বিষয় জিজ্ঞাসা করুন এবং আলোচনা করুন।
- ঈশ্বর কিভাবে মোশিকে রক্ষা করেছিলেন এবং মোশি কিভাবে মানুষের প্রচেষ্টার দ্বারা তার লোককে রক্ষা করার চেষ্টা করেছিলেন সেই বিষয় বিশ্বাসীদের ব্যাখ্যা করতে বলুন।

আমরা কেন অদৃষ্টবাদ প্রত্যাখান করি এবং কেন আমরা মন্দ শক্তি থেকে (অশুচি আত্মার) মুক্ত হই, তা ব্যাখ্যা করুন (ভাগ ১)

ঈশ্বরের পবিত্র নাম “আমিই” কিভাবে তাঁর অনন্তকালীন সত্ত্বা প্রতিফলিত করে সেই বিষয় জিজ্ঞাসা করুন এবং আলোচনা করুন।

ঈশ্বর যেহেতু কালের উর্দে অবস্থান করেন এবং তাঁর ভবিষ্যতের জ্ঞান থাকা সত্ত্বেও কেন তিনি আমাদের পছন্দের স্বাধীনতা ধ্বংস করেন না সেই বিষয় জিজ্ঞাসা করুন এবং আলোচনা করুন। (আমরা ভবিষ্যতে কি করব তা জানা সত্ত্বেও তিনি আমাদের বিষয়ে হস্তক্ষেপ করেন না)

সত্য আমাদের মুক্ত করবে এই কথা বলার মাধ্যমে যীশু কি বোঝাতে চেয়েছিলেন সেই বিষয়ে জিজ্ঞাসা করুন এবং আলোচনা করুন।

মোশি কর্তৃক রচিত পাঁচটি বই জানার মাধ্যমে লোকদের যীশুর বিষয় বুঝতে কিভাবে সাহায্য করে তা ব্যাখ্যা করুন।

শিশুরা যা প্রস্তুত করেছে তা উপস্থাপন করতে দিন।

বিশ্বাসীদের খ্রীষ্ট কিভাবে পক্ষাঘাতগ্রস্ত অদৃষ্টবাদ ধারণা থেকে মুক্ত করেছেন এবং মন্দ আত্মার এবং ভ্রান্ত দেবদেবীর দাসত্ব থেকে মুক্ত করেছেন, সেই বিষয়ে তাদের সাক্ষ্য দিতে দিন।

প্রভুর ভোজের বিষয়টি পরিচিতিকরণের জন্য যাত্রাপুস্তক ৭:১৭ পদ পাঠ করুন। ব্যাখ্যা করুন যে জলকে রক্তে পরিণত করার মোশির প্রথম অলৌকিক কাজটি পুরাতন নিয়মের একটি অভিশাপের আদর্শ নমুনা ছিল। এই ব্যবস্থার অধীনে লোকদের হয় বাধ্য হতে হত, অথবা মৃত্যুবরণ করতে হত; কারণ অক্ষর বধ করে (২ করি ৩:৬)। তুলনামূলক বিচারে, যীশুর জলকে দ্রাক্ষারসে পরিবর্তিত করার প্রথম অলৌকিক কাজটি ছিল লোকদের আশীর্ব্বাদযুক্ত করা (যোহন ২:১-১১)। প্রভুর ভোজের পানপাত্রের বিষয় যীশু বলেছিলেন, “এই পানপাত্র আমার রক্তে নূতন নিয়ম” (লুক ২২:২০)।

পরস্পরের জন্য প্রার্থনার নিমিত্ত এবং বন্ধুদের কাছে যীশুর বিষয় মৌলিক সত্যগুলো শিক্ষাদানের জন্য পরিকল্পনা করার নিমিত্ত দু-তিন জনের দল গঠন করুন।

১ করি ১০:৫-৬ পদগুলো একত্রে মুখস্থ করুন।